



*ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՐՄԱՎԻՐԻ ՄԱՐԶ*

*ՎԱՂԱՐՇԱՊԱՏ  
ՀԱՄԱՅՆՔԻ ԱՎԱԳԱՆՈՒ  
2022 ԹՎԱԿԱՆԻ  
ՀՈՒՆՎԱՐԻ 21-Ի ԱՐՏԱՀԵՐԹ ԹԻՎ 4 ՆԻՍ*

**ԱՐՁԱՆԱԳՐՈՒԹՅՈՒՆ ԹԻՎ 4**  
**ՎԱՂԱՐՇԱՊԱՏ ՀԱՄԱՅՆՔԻ ԱՎԱԳԱՆՈՒ ՀՈՒՆՎԱՐԻ 21-Ի**  
**ԱՐՏԱՀԵՐԹ ԹԻՎ 4 ՆԻՍԻ**

2022 թվականի հունվարի 21-ին ժամը 12:00-ին Վաղարշապատ համայնքի ավագանու նստավայրում՝ քաղաք Էջմիածին, Մբ.Մ.Մաշտոցի փողոց 0 հասցեում տեղի ունեցավ Վաղարշապատ համայնքի ավագանու արտահերթ թիվ 4 նիստը, որին մասնակցում էր Վաղարշապատ համայնքի ավագանու 23 անդամ, հիմք ընդունելով գրանցման արդյունքները՝ այդ մասին հայտարարեց նիստն արձանագրողը:

Վաղարշապատ համայնքի ավագանու արտահերթ թիվ 4 նիստին հրավիրված էին համայնքային կառույցների ներկայացուցիչներ, համայնքապետարանի աշխատակիցներ:

Նիստը վարում էր համայնքի ղեկավար Դիանա Գասպարյանը:

Նիստը արձանագրում էր Գ.Հարությունյանը:

Նիստն սկսվեց Հայաստանի Հանրապետության հիմնով և Էջմիածին համայնքի հիմներով:

Նիստն անցկացվում էր առցանց հեռարձակմամբ:

Նախագահողը՝ համայնքի ղեկավարը, ավագանու անդամներին ներկայացրեց նիստի օրակարգի հարցերը և առաջարկեց քննարկել դրանք ու հաստատել օրակարգը:

Օրակարգի նախագիծը դրվում է քվեարկության:

**Քվեարկությանը մասնակցեց** – ավագանու 23 անդամ

**Քվեարկության արդյունքները՝**

կողմ - 23

դեմ – 0

ձեռնպահ – 0

**Որոշումն ընդունվեց միաձայն**

**ՈՐՈՇՎԵՑ** – Հաստատել Վաղարշապատ համայնքի ավագանու 2022 թվականի հունվարի 21-ի արտահերթ նիստի օրակարգը և քննարկել առաջադրված հարցերը, այն է՝

**1. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՎԱՂԱՐՇԱՊԱՏ ՀԱՄԱՅՆՔԻ ԱՎԱԳԱՆՈՒ 2022 ԹՎԱԳԱՆԻ ՀՈՒՆՎԱՐԻ 18-Ի ԹԻՎ 21-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿՍՏԱՐԵԼՈՒ ՄԱՍԻՆ**

Վաղարշապատ համայնքի ավագանին ընդունեց թիվ 33 որոշումը:

**Օրակարգի 1-ին հարցի առթիվ՝** զեկույցը ներկայացրեց Լուսինե Քալաշյանը:

Ներկայացնելով Հայաստանի Հանրապետության Արմավիրի մարզի Վաղարշապատ համայնքի ավագանու 2022 թվականի հունվարի 18-ի թիվ 21-Ն որոշման մեջ փոփոխություններ կատարելու մասին նախագիծը:

Քննարկվող նախագծի վերաբերյալ հարցեր տալու համար ավագանու անդամները հերթագրվեցին: Հարցերը տալու համար ըստ հերթագրման հաջորդականության՝ նիստը վարողը հայտարարեց հարց տվողների անուն ազգանունները՝ Ռուբիկ Ենոքյան:

Հարց: Ռուբիկ Ենոքյան. Արդյո՞ք հնարավոր չէր այս հարցը հունվարի 18-ին գումարված նիստով ներկայացնել և երկրորդ հարցը՝ արդյո՞ք պլանավորված է այս փոփոխությամբ փոխանցված գումարը ինչ ծախսերի է ուղղվելու:

Պատասխան: Դ. Գասպարյան. Առաջին հարցի մասով անհրաժեշտ էր օրենքով սահմանված կարգով բյուջեն հաստատվեր, հետո նոր կատարվեր այս փոփոխությունը, դա օրենքի պահանջն է, իսկ երկրորդ հարցի մասով, քանի որ այս տարի ընտրություններ են եղել, համայնքապետարանը լուծարվել է և նորն է կազմավորվել, ուստի դժվար է պլանավորումը, այդ պատճառով կուղղվի բյուջեի մի որևէ տողի հետագայում պլաններ լինելու դեպքում ուղղվի այդ նպատակներին:

Ավագանու անդամների մտքերի փոխանակման և հարցի քննարկման ավարտից հետո, նախագահողը առաջարկեց որոշման նախագիծը դնել քվեարկության:

**Քվեարկությանը մասնակցեց** – ավագանու 23 անդամ

**Քվեարկության արդյունքները՝**

կողմ - 23

դեմ – 0

ձեռնպահ – 0

**Որոշումն ընդունվեց միաձայն**

Վաղարշապատ համայնքի ավագանին ընդունում է թիվ 34-Ն որոշումը:

Օրակարգի հարցերը սպառվելուց հետո Ավագանու նիստը հայտարարվեց փակված: